



16325 (d'inditgar en la resposta)

☎ 081 257 25 13
✉ info@djsg.gr.ch
www.djsg.gr.ch

Departament da giustia, segirezza e sanadad
Hofgraben 5, 7000 Cuira

A las adressatas ed als adressats
tenor la glista agiuntada

Cuira, ils 21 d'avust 2024

**Revisiun parziala da la Lescha davart la protecziun civila dal chantun Grischun
(Lescha da protecziun civila, LPPCi; DG 640.100)
Consultaziun**

Stimadas dunnas e stimads signurs

Il 1. da schaner 2021 è entrada en vigur la Lescha federala davart la protecziun da la populaziun e davart la protecziun civila (LPPCi; CS 520.1). En il Grischun fiss per consequenza il dumber d'appartegnents da la protecziun civila (AdPC) sa reduci massivamain, sch'ins n'avess betg prendi cuntramesiras correspondentas ils ultims onns, sco per exempel la prolungaziun da l'obligaziun da far servetsch da protecziun civila.

La revisiun parziala actuala da la Lescha da protecziun civila vul oravant tut mantegnair il dumber da squadras e da personas da cader. Cun in sistem d'impuls duai vegnir garantì, ch'i possian vegnir recrutadas er en l'avegnir avunda personas da cader per la protecziun civila.

Il focus principal vegn plinavant er mess sin la finanziaziun suffizienta da la construcziun da novs locals da protecziun en las vischnancas che han ina mancanza da plazzas protegidas. Per finanziair ils locals da protecziun publics vegn introducida da nov ina contribuziun substitutiva, che sto vegnir pajada er, sch'in local da protecziun potenzialmain utilisabel vegn abolì a favur da las proprietarias e dals proprietaris. Dal rest vegni desistì d'ina graduaziun tenor grondezza dal local da protecziun, ed i vegn introducida ina taxa unitara.

Per indemnisar la lavur administrativa en connex cun las acziuns a favur da la cuminanza (AfC) vegnan las chaschunadras ed ils chaschunaders dals custs respectivamain las petentas ed ils petents (organisaturas ed organisaturs) a stuair surpigliar en l'avegnir tut ils custs.


Nus As supplitgain d'inoltrar Vossa posiziun davart il sboz dal project fin il pli tard ils **21 da november 2024**. Ils documents correspundents chattais Vus en l'aggiunta da questa brev. Per ans facilitar l'evaluaziun As supplitgain nus d'ans trametter Vossa posiziun per e-mail (info@djsg.gr.ch).

Nus As engraziain gia ordavant zunt fitg per Vossa posiziun e per l'interess che Vus demussais envers quest project.

Salids amicabels

DEPARTAMENT DA GIUSTIA,
SEGIREZZA E SANADAD

Il schef



Peter Peyer
Cussegliaer guvernativ

Agiunta:

- Glista d'adressatas ed adressats
- Revisiun da la lescha
- Text explicativ

Glista d'adressatas ed adressats

- Vischnancas politicas
- Partidas politicas incl. partidas giuvnas
- Associaziun grischuna da las proprietarias e dals proprietaris da chasas, Bahnhofplatz 2, 7302 Landquart
- Assicuranza d'edifizis dal Grischun (GVG)
- Polizia chantunala dal Grischun
- Departaments da l'administraziun chantunala
- Chanzlia chantunala
- Controlla da finanzas